



Bele Doette


Chanson de toile



Be - - le ___ Do - et - te as fi - nes - - tras ___ se ___ siet,
De ___ son ___ a - mi Do - - on li ___ re - - so - vient,



Lit en un ___ li - - - vre, ___ mais au cuer ___
Q'en au - tres ___ ter - - - res ___ est a - lez ___



ne ___ l'en ___ tient; E ___ or ___ en ___ ai ___ dol
tor - noi - er.

Bele Doette as fenestres se siet,
Lit en un livre, mais au cuer ne l'en tient;
De son ami Doon li resovient,
Q'en autres terres est alez tornoier.
E or en ai dol.

Uns escuiers as degrez de la sale
Est dessenduz, s'est destrossé, sa male.
Bele Doette les degrez en avale
Ne cuide pas oir nouvelle male.
E or en ai dol.

Bele Doette tantost li demanda:
"Ou est mes sires, que ne vi tel pieça?"
Cil ot tel duel que de pitié piora.
Bele Doette maintenant se pasma.
E or en ai dol.

Bele Doette s'est en estant drecie,
Voit l'escuier, vers lui s'est adrecie;
En son cuer est dolante et correcie
Por son seignor dont ele ne voit mie.
E or en ai dol.

Bele Doette li prist a demander:

"Ou est mes sires, cui je doi tant amer?"
"En nom Deu, dame, nel vos quier mais celer,
Morz est mes sires, ocis fu au joster."
E or en ai dol.

Bele Doette a pris son duel a faire:
"Tant mar i fustes, cuens Do, frans debonaire.
Por vostre amor vestirai je la haire,
Ne sor mon cors n'avra pelice voire."
E or en ai dol.

"Por vos ferai une abbaie tele
Quant iert li jors que la feste iert nomele,
Se nus i vient qui ait s'amor fausele,
Ja del mostier ne savera l'entrele."
E or en ai dol.

Bele Doette prist son abbaie a faire,
Qui mout est grande, et ades sera maire:
Toz cels et celes vodra dedanz atraire
Qui por amor sevent peine et mal traire.
E or en ai dol.

"Por vos devenirai nonne
A l'église Saint Pol."